

Adeste, fideles, laeti triumphantes,
Venite, venite in Bethlehem.
Natum videte, Regem angelorum,
Venite adoremus, venite adoremus,
adoremus Dominum.

Deum de Deo, Lumen de Lumine,
Gestant puellae viscera.
Deum Verum, genitum, non factum.
Venite adoremus, venite adoremus,
venite adoremus Dominum.

Cantet nunc io, chorus angelorum,
Cantet nunc aula caelestium.
Gloria, gloria in excelsis Deo.
Venite adoremus, venite adoremus,
venite adoremus Dominum.

Ergo qui natus die hodierna,
Jesu, tibi sit gloria.
Patris aeternae Verbum caro factum.
Venite adoremus, venite adoremus,
venite adoremus Dominum.